



ERA GARBÈRA


REVISTA ENTA MAINATGES E MAINADES • Num. 7 (19) • AN 2004 • 2,40 €





Boro, Moro e Puromoro





AÇÒ ÈRE E NON ÈRE

INCINERACION DE PLASTICS? NON, GRÀCIES.



Ena Ribera Baisha i auie un pòble a on a penes i auie 1800 abitants. Er arriu Xúquer lo recorrie deth començament ara fin, des deth cine deth Barquero enquia darrèr deth secador. Hège un torn gran ara nautada dera mòla. En aquest arriu toti es mainatges e mainades deth pòble i anauen a nadar. Totes es persones deth pòble sabien nadar. Es mèns atrevits nadauen tanben en Canau Major e es non tant atrevits e mèns petits e petites ena Canaleta qu'ère un lòc a on ges-sie era aigua e non ère massa pregond. Viuien sense massa problèms e damb un respècte naturau ath Mieì Ambient. Mès un dia, comencèren a aparéisher coches oficiaus e gent fòrça ben vestida que sense voler, cridauen era atencion perquè non èren acostumadi a veir aqueri coches e aqueri vestits. Toti es mainatges e mainades comencèren a córrer darrèr des coches enquia que s'arturèren ena pòrta der ajuntament. Quan baishaue era gent des coches, es mainatges e mainades les tocauen e trègen eth povàs

des hièstres, tot açò sense deishar de guardar ad aquera gent plan ben vestida.

Fòrça gent vieilha s'apropaue e non se'n podien avier de com aquera gent anaue mudada, pientada e damb es sabates tan ludentes. Er aguazil, en veder-les pujar era escala non sabie a on plaçar-se ne qué hèr, enquia qu'un des òmes que i anauen li diguec que cercauen ath senhor alcalde perquè volien parlar damb eth. Eth les responec que trebalhaue, guanhant-se eth jornau, qu'eth non sabie a on ère e enquias sèt o es ueit dera vrespada non virie. Es coches se meteren en marcha e preneren eth camin cap ara aigua blua. Era mainadèra lo seguien e en arribar ena Nota veigueren que hègen a anar es braci senhalant a on queiguie era aigua. Era mainadèra s'estèc aqui espiant enquia qu'eth crit d'ua mair avertic ath hilh qu'eth dinar ère en taula, e les hec a abandonar era mission.

Deuien èster es 7 dera tarde quan arribèc eth senhor alcalde en ajuntament a on ja hège mèns de dues ores qu'es forastèrs lo demorauen. Entrèren ena sala der ajuntament e ara mieja ora gesseran un shinhau acaloradi, e non ère pas pera calor. Er alcalde manèc qu'er aguazil hesse un ban entà qu'era gent acodisse damb urgéncia entà informar-les d'ua qüestion plan grèu. Tot eth pòble i acudic damb era sua cagireta entà recéber es informacions deth senhor alcalde e dera gent forastèra.

- Bona net - comencèc damb era bona educacion qu'auie -, aquestes persones, quauqu'ues responsables deth govèrn e d'autores grani empresaris, an vengut perquè vòlen construír ua incineradora. Ei ua espècie d'edificacion a on se cremen plastics.

- Quina pudor harà açò! - exclamauen quauqu'uns. Quina pèsta! Rebotegauen d'auti. Entad açò a vengut aquera gent? Per qué non se la meten eri dejós deth sòn lhet?

Eri ben vestidets e vòlen meter-mos era mèrda a nosati! Fotetz eth camp! Dehòra! Tornatz-vo'n tath vòste pòble.

- Vos daram molti jornaus, cauçadaram eth pòble, meteram lum de nauta tension...-tartarejaue un des forastèrs.

- Non volem arren! Tot entà vosati! Ja auem escòles e mètges e era rèsta mos ac apariaram nosati.

- Guardatz, sò representant deth govèrn e nosati tan-pòc volem contaminar ne crear pudors a on non cau. Mès era vertat ei, qu'era quantitat de plastics qu'utilizam hè que calgue ua actuacion contundenta. En cas contrari, es plastics en pòc de temps mos caperaràn.

- Es culpables d'açò son es empreses que ne hèn a servir massa. Abans, un panet de chicolate ère embolicat sonque damb un paperet e ara ven damb tres classes diferentes de papèr d'alumini e dus o tres plastics.

- Òc, òc, òc, abans tanben anauem a comprar enes comèrci damb un cabàs e non calie plastics. Ara entà cada causa que te dan te meten un plastic entà embolicà'c e ua bosseta de plastic entà separà'c.

- Guardatz, sabem qu'auetz arrason mès auem de solucionar eth problèma immediatament. S'auetz bèra solucion didetz-la e haram aquerò que sigue de besonh entà meter-la en practica.

- De moment nosati non consumiram productes que pòrten plastics suplerflus, cromparam damb cabàs, toti es aliments les meteram ena gamèla e es liquids en botelhes de veire. Ac reutilizaram tot. Eth pòble qu'utilize plastic qu'ac recicle aqui e a mès que pague un impòst mieiam-bientau. Nosati mos encuedaram de didé'c a toti es pòbles dera Ribera e eth govèrn qu'avise ara rèsta.

- Me semble plan ben era propòsta. Metem-mos a trebalhar. Vau a avisar as govèrns.

E cau dider qu'ath cap de dus ans ja non calie hèr cap d'incineradora e er aire que respiràuem ère fòrça mès blos. Toti es pòbles dera planèta receberen era notícia e heren qu'es empreses se servissen ben pòc deth plastic, sonque en productes medicaus e d'auti imprescindibles.


Ara es deth pòble s'auien proposat hèr era madeisha causa damb era aigua, es arbes,...Les ajudaram?

CAVILLEM

- T'agradarie viuer en un pòble com aquest? Per qué?

- Qué haries tu entà solucionar eth problèma dera contaminacion dera aigua?



- Quini productes que tu hès a servir normaument pòrten mès plastic? E que non ei complicat evità'c?






cap indi

ERA FLAÜTA
MAGICA

per Maria José García Arana





PASQUALET e Companhia

per RAFA REINOSO.

GUIÓ: RAFA R. CULLA

ES MONES SE
PENSEN QUE SON MÈS
ESCARRABELHADES
QU'ARRÈS... JO CREIGUI
QU'ES CANS LES GUANHEN.
E BEN! GUARDA AÇÒ!

MENTRES...

M'AGRADARIE
ÈSTER RIC ENTÀ NON
SUPORTAR A
PASQUALET, ME CAU
UN CÒP DE SÒRT!...

UA VENTADA!

QUÉ EI AÇÒ?
SEMBLE UN
PLAN...

ÒC QUE N'EI! ETH
PLAN D'UN
TRESÒR! AC DITZ
BEN CLAR!

...UN VIATGE PLAÇAT
EN PUNT DE GESSUDA,
CAU SEGUIR ES PEADES
QUE VA INDICANT.

VAM A VEIR
QUE HÈ!


ACIU EI! ERA
TÈRME AC
MÈRQUE!


MÈS...È DE
BESONH UA
PIÒSHA ENTÀ
CATAR...

AGUEST SIGNE
D'INTERROGACION
ME PÒT HÈR
SERVICI!

R.R. 05/01









DE PER TOT

NOTÍCIES

 Deth 26 d'octobre ath 24 de noveme de 2004 poiratz veir ena glèisa de Sant Joan d'Arties era exposicion ERA VIDA ENES CASTÈTHS. Se i vatz coneisheratz com viuïen, qué hègen, com vestien, e qué minjauen ena edat mieja, o sigue, hè mès de 700 ans!. Era exposicion ei organizada peth Conselh Generau d'Aran e era Fundació "la Caixa".

"Era Garbèra" ei era version aranesa d'ues planes de "CAMACUC" –revista tà mainatges e mainades–, adaptades pera Oficina de Foment e Ensenhament der Aranés deth Conselh Generau d'Aran.

Telefon dera OFE der Aranés: 973.64.00.92.

EDITE: EDICIONS CAMACUC, SL.

Apartat de corrèus 11007 - 46080 València
Tel/Fax: 615 34 94 04

Equip Camacuc: Joan Escrivà, Joan Escrivà i Avinyó, Reinoso, Toni Cabo, Pere Amorós, Sanchís, Josex, Miquel Angel, Alex, M. José, David Salvador, Burguitos.

Publicitat: Dep. propi.

Portada: Burguitos

D.L.: V-2489-2003


Impression: Set i set indústria gràfica. Tel.96 297 02 01.

EDITORIAL

Ja s'a convocat era XV edicion deth concors literari Mn Condò Sambeat. En aquest concors se pòden presentar trabalhs de poesia e de pròsa e i pòden participar escolans de 9 a 17 ans. I a quate nivèus de cada categoria segontes es grops d'edat. Entàs guanhadors e finalistes i a prèmis en metallic que van des de 75 èuros tàs mès petits a prèmis de 300 èuros entàs mès grani. Eth tèrme de presentacion des trabalhs ei eth 31 de gèr de 2005 e trobaratz es bases deth concors en Conselh Generau d'Aran.

RECOMANAM

Un MAPA GUIA EXCURSIONISTA dera VAL D'ARAN en CD-ROM. Modèl virtuu e navegable en 3 dimensions. Conten informacion geocartografica e excursionista damb donades associades: rotes, servicis, fotografies, vistes, visita guiada e connexion a Compegps LAND. Ei ua edicion de Editorial Alpina e d'auti.









Tracassiers en Olimp

FONOLLOSA / RICO







PASSATEMPS




CÒPIA E
ACOLORÍS
ETH
DIBOISH




SONQUE I A
UA CHIFRA
REPETIDA.
LA VES?



ORDENA ES FRAGMENTS ENTÀ
RECONSTRUÏR ETH DIBOISH




ME POS DÍDER DAMB
QUIN BOCIN POGUI
COMPLETAR AÇÒ?



DEMÒSTRA QU'AS BONA VISTA E
AJUDA-MOS A TRAPAR ETH CARRAT
QUE PÒT COMPLETAR ETH DIBOISH



PENSES QUE SE
PÒT ALUGAR
ERA BOMBETA
CONNECTANT
SONQUE UN
INTERRUPTOR?



PINCHO


ÈS UN CAN
DOLENT, SAPASTRE...
SABES QUE NON
PÒS HÈR CACA
LAGUENS DE CASA



...E MENS TANTI
VIATGES... N'È
ARREMASSAT UN
SAC!!!



UFF, QUINA
PUDOOOOR!!!



LI AURÈ DE CAMBIAR ETH
MINJAR ARA BÈSTIA

MAMA
MIA!!

AÇÒ SEMBLE
RADIACTIU

TROMP TROMP

TROMP



VA ÒME...QUE SONQUE
SON VINT PISI

EEECs...

VAJA!! ETH
VESIN MÈS
CHAFARDÈR DE
TOT ER
EDIFICI!!

ER...ÒLA

ÒLA!!






VAJA, LI A VENGUT MALA
GANA ...SERÀ MELHOR
QUE LANÇA AÇÒ!!



VAU DE SEGUIDA
A LANÇÀ 'C ENA
LORDÈRA E...



MÈULA!!!



E COM ALCALDE DERA
CIUTAT È TRAPAT UA
SOLUCION ATH
PROBLÈMA DES
CAGOLHS DE CAN...

...VAU A
PROIBIR
QU'ERA GENT
AGE CANS E...



E A TU
PERQUÉ T'AN
EMBARRAT?




NON AC
SABI...


ETH MÈN CAN
A CAGAT E...

ES EROICITÀS DERA NÒSTA EROÏNA JOANA DEFENSORA EN:



PROBLÈMES EN CARRÈR





CONSELHS ECOLOGICS

Eth pas de pedanhs ei entà usatge des caminaires.
Deishatz-lo tostemp libre

PEROLET

ESTUDIANT HLOISHÒT

